

No. Rujukan : UTeM.02/10.12/2/1 Jld.2(1)



UNIVERSITI TEKNIKAL MALAYSIA MELAKA

**SURAT PEKELILING PENTADBIRAN
BILANGAN 11 TAHUN 2010**

**PENGIKTIRAFAN KELAYAKAN PERKHIDMATAN
IJAZAH SARJANA DAN / ATAU IJAZAH DOKTOR
FALSAFAH (Ph.D) BAGI MAKSUD PELANTIKAN
KE PERKHIDMATAN AWAM**

Pejabat Pendaftar
26 Oktober 2010

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02/10.12/2/1 Jld.2(1)

26 OKTOBER 2010

SURAT PEKELILING PENTADBIRAN BIL.11/2010

PENGIKTIRAFAN KELAYAKAN PERKHIDMATAN IJAZAH SARJANA DAN / ATAU IJAZAH DOKTOR FALSAFAH (Ph.D) BAGI MAKSUD PELANTIKAN KE PERKHIDMATAN AWAM

1.0 TUJUAN

Surat Pekeliling Pentadbiran ini memaklumkan kepada semua staf Universiti Teknikal Malaysia Melaka (UTeM) mengenai keputusan Pihak Univesiti atas kelulusan Mesyuarat Lembaga Pengarah Bil 4/2010 berhubung keputusan Kerajaan meminda prinsip pengiktirafan Kerajaan ke atas kelayakan di peringkat Ijazah Sarjana dan/atau Ijazah Doktor Falsafah (Ph.D) sebagaimana yang dinyatakan dalam Surat Pekeliling Perkhidmatan Bilangan 8 tahun 2007 bagi tujuan pelantikan ke dalam Perkhidmatan Awam.

2.0 LATAR BELAKANG

2.1 Kerajaan melalui Surat Pekeliling Perkhidmatan Bil 8 Tahun 2007 telah mengiktiraf Ijazah Sarjana dan/atau Ph.D bagi maksud lantikan ke dalam Perkhidmatan Awam dengan syarat pemegang-pemegang kelayakan Ijazah Sarjana dan/atau Ijazah Doktor Falsafah (Ph.D) berkenaan hendaklah juga memiliki Ijazah Sarjana Muda yang diiktiraf oleh Kerajaan. Ini bermakna, sekiranya pemegang kelayakan tidak memiliki Ijazah Sarjana Muda atau memiliki Ijazah Sarjana Muda yang tidak diiktiraf oleh Kerajaan, maka kelayakan beliau yang lebih tinggi seperti Ijazah Sarjana dan/atau Ijazah Doktor Falsafah (Ph.D) akan turut tidak diiktraf oleh Universiti seperti yang dinyatakan di dalam SPP 8/2007.

2.2 Pindaan prinsip pengiktirafan yang dilaksanakan:

	Surat Pekeliling Perkhidmatan Bilangan 8 Tahun 2007	Surat Pekeliling Perkhidmatan Bilangan 13 Tahun 2009
i.	Institusi Pengajian Tinggi Awam (IPTA) sepenuhnya dan juga program IPTA secara sepenuh masa dengan kerjasama Institusi Pengajian Tinggi (IPT) luar negara yang tersenarai dalam 'Senarai Universiti yang Diiktiraf oleh Kerajaan' (sila rujuk laman web http://www.interactive.jpa.gov.my/frmmainiktiraf.asp);	Institusi Pengajian Tinggi Awam (IPTA) secara sepenuh masa atau separuh masa (sama ada secara luaran, jarak jauh atau on-line); atau
ii.	IPTA dengan kerjasama IPT luar negara yang tersenarai dalam 'Senarai Universiti yang Diiktiraf oleh Kerajaan' di bawah program bukan sepenuh masa sama ada secara luaran (<i>external</i>), jarak jauh (<i>distance learning</i>) dan <i>on-line</i> ;	IPTA dengan kerjasama IPT luar negara yang tersenarai dalam 'Senarai Universiti yang Diiktiraf oleh Kerajaan' (sila rujuk laman web http://www.interactive.jpa.gov.my/frmmainiktiraf.asp) di bawah program sepenuh masa atau separuh masa (sama ada secara luaran, jarak jauh atau on-line) yang memberi satu penganugerahan sahaja (<i>single award</i>); atau
iii.	Institusi Pengajian Tinggi Swasta (IPTS) sepenuhnya dan telah mendapat perakuan akreditasi Lembaga Akreditasi Negara (LAN) di bawah program sepenuh masa dan bukan sepenuh masa sama ada secara luaran (<i>external</i>), jarak jauh (<i>distance learning</i>) dan <i>on-line</i> ;	Institusi Pengajian Tinggi Swasta (IPTS) sepenuhnya dan telah mendapat perakuan akreditasi Agensi Kelayakan Malaysia (MQA) di bawah program sepenuh masa dan separuh masa sama ada secara luaran (<i>external</i>), jarak jauh (<i>distance learning</i>) dan <i>on-line</i> ; atau
iv.	IPTS dengan kerjasama IPTA tempatan atau IPT luar negara di bawah program sepenuh masa dan bukan sepenuh masa sama ada secara luaran (<i>external</i>), jarak jauh (<i>distance learning</i>) dan <i>on-line</i> serta telah mendapat perakuan akreditasi LAN;	IPTS dengan kerjasama IPTA tempatan atau IPT luar negara di bawah program sepenuh masa dan separuh masa sama ada secara luaran (<i>external</i>), jarak jauh (<i>distance learning</i>) dan <i>on-line</i> serta telah mendapat perakuan akreditasi MQA; atau
v.	Kampus-kampus cawangan IPT luar negara di Malaysia di bawah program sepenuh masa atau bukan sepenuh masa sama ada secara luaran (<i>external</i>), jarak jauh (<i>distance</i>	Kampus-kampus cawangan IPT luar negara di Malaysia di bawah program sepenuh masa atau separuh masa sama ada secara luaran (<i>external</i>), jarak jauh

	<i>learning</i>) dan <i>on-line</i> serta telah mendapat perakuan akreditasi LAN; dan	(<i>distance learning</i>) dan <i>on-line</i> serta telah mendapat perakuan akreditasi MQA; atau
vi.	IPT luar negara yang diiktiraf oleh Kerajaan negara berkenaan di bawah program sepenuh masa. Pengesahan status IPT luar negara ini boleh dibuat oleh pihak berkuasa melantik dengan menghubungi pejabat kedutaan negara berkenaan di Malaysia atau pejabat kedutaan Malaysia di negara berkenaan.	IPT luar negara yang diiktiraf oleh Kerajaan negara berkenaan di bawah program sepenuh masa dan telah mendapat perakuan pengiktirafan oleh Kerajaan Negara berkenaan. Pengesahan status IPT luar negara ini boleh dibuat oleh pihak berkuasa melantik dengan menghubungi pejabat kedutaan negara berkenaan di Malaysia atau pejabat kedutaan Malaysia di negara berkenaan. Pihak Berkuasa Melantik perlu memastikan kualiti dan keserataan kelayakan dengan Kerangka Kelayakan Malaysia (KKM) dan sebarang keraguan mengenai kelayakan ini perlu dirujuk kepada Agensi Kelayakan Malaysia (MQA).

2.3 Universiti juga memaklumkan bahawa pengiktirafan bagi kelayakan-kelayakan di peringkat Ijazah Sarjana dan/atau Ph.D seperti yang dinyatakan di atas masih tertakluk kepada pemegang kelayakan berkenaan hendaklah juga memiliki Ijazah Sarjana Muda yang diiktiraf oleh kerajaan.

2.4 Universiti juga telah menetapkan bahawa kelayakan Master of Engineering (M.Eng) dari universiti-universiti di United Kingdom hanya boleh digunakan untuk tujuan pelantikan ke jawatan yang mensyaratkan kelayakan masuk di peringkat Ijazah Sarjana Muda Kejuruteraan.

3.0 KAEDAH PELAKSANAAN

3.1 Universiti telah bersetuju menimbangkan pelantikan calon yang tidak memiliki kelayakan Ijazah Sarjana Muda atau Ijazah Sarjana Muda (Kepujian) yang tidak diiktiraf tetapi memiliki kelayakan Ijazah Sarjana dan/atau Ijazah Doktor Falsafah (Ph.D) dalam bidang berkaitan ke dalam perkhidmatan seperti di **Lampiran A**.


4.0 TARIKH KUATKUASA

Surat Pekeliling Pentadbiran ini berkuat kuasa mulai dari tarikh ianya dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



HASAN BIN SIRUN
Pendaftar
/ukp

LAMPIRAN A

SENARAI SKIM-SKIM PERKHIDMATAN YANG MEMPERUNTUK SYARAT LANTIKAN DI PERINGKAT IJAZAH SARJANA DAN / ATAU Ph.D

1	Pensyarah Universiti Gred Q41, Q44, Q48, Q52, Q54	Ijazah Sarjana Muda; atau Badan Profesional; atau Ijazah Sarjana; atau Ijazah Sarjana Perubatan; atau Ijazah Doktor Falsafah (Ph.D)
2	Pegawai Penyelidik. Gred Q41, Q44, Q48, Q52, Q54	Ijazah Sarjana Muda; atau Ijazah Sarjana; atau Ijazah Doktor Falsafah (Ph.D)
3	Pegawai Teknologi Maklumat Gred F41, F44, F48, F52, F54	Ijazah Sarjana Muda; atau Ijazah Sarjana; atau Ijazah Doktor Falsafah (Ph.D)
4	Pegawai Tadbir dan Diplomatik Gred M41, M44, M48, M52, M54	Ijazah Sarjana Muda; atau Ijazah Sarjana; atau Ijazah Doktor Falsafah (Ph.D)
5	Pegawai Pemeriksa Paten Gred Q41, Q44, Q48, Q52, Q54	Ijazah Sarjana Muda; atau Ijazah Sarjana; atau Ijazah Doktor Falsafah (Ph.D)
6	Pegawai Psikologi Gred S41, S44, S48, S52, S54	Ijazah Sarjana Muda; atau Ijazah Sarjana; atau Ijazah Doktor Falsafah (Ph.D)
7	Perangkawan Gred E41, E44, E48, E52, E54	Ijazah Sarjana Muda; atau Badan Profesional; atau Ijazah Sarjana
8	Pegawai Perhubungan Perusahaan Gred S41, S44, S48, S52, S54	Ijazah Sarjana Muda; atau Ijazah Sarjana